

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 460057 24 St
Tuzla, 07.02.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, nakon provedenog stečajnog postupka, donio je dana 07.02.2025. godine sljedeće:

RJEŠENJE

OTVARA SE stečajni postupak nad imovinom dužnika „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, matični broj subjekta 1-12832, JIB: 4209594010001, račun broj; 132100311610277 otvoren kod NLB banke d.d. Sarajevo.

Za stečajnog upravnika imenuje se Almir Bajrić iz Tuzle.

ZAKLJUČUJE SE stečajni postupak nad imovinom dužnika „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 460057 24 St od 15.05.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, a za privremenog stečajnog upravnika imenovana je Almir Bajrić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 07.06.2024. godine. Iz izvještaja privremenog stečajnog upravnika i navoda datih na ročištu proizilazi da je 2014. godine došlo do smanjenja i obustavljanja djelatnosti društva. Računi društva su blokirani 2014. godine, da bi posljednji račun društva bilo blokirano 01.10.2018. godine, kada je nastupila platežna nesposobnost. Iz bilansa proizilazi da proknjižene obaveze na dan 31.12.2023. godine iznose 32.281,00 KM, a u uvjerenjima je navedeno da dug prema Poreznoj upravi iznosi 21.861,94 KM a prema UIO BH 748,36 KM. Društvo nema u vlasništvu bilo kakve imovine iz kojih bi se finansirali troškovi postupka i namirila potraživanja povjerilaca, nema nekretnina što je potkrepljeno uvjerenjima iz zamljišnoknjižne i katastarske evidencije, nema pokretnih stvari što je potkrijepljeno uvjerenjem MUP-a, nema novčanih sredstava, računi društva su duži vremenski period blokirani, a u knjigama postoje evidentirana potraživanja od kupaca u iznosu od 13.843,00 KM koja su starija od 3 godine tako da nije realno očekivati mogućnost njihove naplate.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 13.02.2024. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 30.07.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.100,00 KM na ime otvaranja stečajnog postupka, iz kojeg predumljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 63/24 dana 14.08.2024. godine, oglasnoj tabli suda dana 31.07.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.